

做雞卵糕 江秀鳳（四縣腔）

佢讀小學就當好做點心，該央時電視有一個節目「做點心過生活」，逐擺看忒該隻節目，就會尋盆頭鉢仔做點心，盡多係麵粉類个，當簡單，大體就做得成功，屋下人乜異會相惜，見擺就食淨淨，有可能係屋下人个支持，分佢緊做緊有信心。

毋過，有一擺做雞卵糕，佢般做就毋會成功，摻雞卵糕做到變甜靚，吾爸吾姆同阿姐乜無嫌，又乜食淨淨，佢總係毋認輸，還係緊做，吾姆試著佢緊做失敗盡毋盼得，就渡佢去佢開麵包店个同學店項，請師傅教佢做雞卵糕，原來雞卵糕打卵白个時節，做毋得用食飯个筷仔攪，愛買打卵白專用个打卵攪仔攪畀勻，還有發酵个问题，發酵發毋起來莫怪做毋成功。

吾姆一等惜佢，跔等就渡佢去烘焙專賣店買分佢，佢暢到奈毋得，轉到屋又煞煞做雞卵糕，這擺頭一到做成功了，還歡喜哪！還切兜送分隔壁鄰舍嚐，大家就阿惱佢恁慶，讀小學个細人仔就會做雞卵糕。

雞卵糕做兩擺都有成功，第三擺又失敗咧，原因係吾姆厥同學分佢个發酵用忒了，佢自家去烘焙專賣店買个發酵毋會發，這擺又變到失敗个毋成甜靚了，歸屋下人還係 ten 手食淨淨，偷偷仔摻你講，做失敗个東西正經當毋好食，吾屋下人係惜佢，毋盼得打落佢又惜福，正會刻耐仔食忒，這下恁著正知歸屋下人有幾支持佢，佢在一個有恁恁个愛个屋肚大，故所佢還幸福哪！承蒙阿爸阿姆摻阿姐个相惜，佢愛你兜，恁仔細。

做點心係吾興趣，到這下還輒輒渡吾外甥女，無就係姐妹伴共下做兜披薩、黃梨酥、日頭餅，還有自家想空想缺做出來个，包糍粑仔个 pang ㄟ，該擺分吾姆食到流目汁，佢講：「糍粑仔係客人个點心，佢食著故鄉个心焦，盡感動。」佢摻阿姆掉目汁，知佢一個客家妹一儕人在都市生活，又滿哪緊搬屋，流浪係客人族群个命運，吾姆捕等佢還緊噉：「你大了，愛知自家个客家血脈，做毋得毋記得你係苗栗客人个妹仔。」

2018.5.27 中壢轉台中火車頂